

Öise Lade 1-2013, p. 62


L'ensolver è senza dubi mes past preferì! Tge datti pli bel che da seser la damaun cun las persunas ch'ins ha gugent davos maisa, il sulegl splendura da fanestra en e sin maisa datti ina massa bunas chaussas? Hmmm, tge bel! Ussa ch'ils uffants èn pli gronds (e ch'els n'han betg gia l'ina puspè fom) giaud jau fitg



*Mes past preferì*

da far la dumengia in bel brunch cun ovs, panzetta, chaschiel, flocs d'avaina, jogurts, fritga e natiralmain paintg, mel e differentas confituras. Latiers datti differentas sorts da paun frestg e forsa ina tarschola u stortins. L'odur d'in café fa daven- tar la buna luna anc meglra. Gea, quai è mes maletg ideal da l'ensolver. Deplorablmain n'è però betg mintga di dumengia e deplorablmain ha mes um pli gugent il gentar che l'ensolver. Uschia stoss jau far relativ savens in compromiss. Per fortuna datti perquai era chaussas gustusas ch'èn preparadas en 5 minutas. Tar nus è quai per exempel ina talgia tarschola cun paintg. Sche jau la prepar e la met sin maisa è ella schvup davent! U pulpa, gea quella vegn er amada. Schvup è ella davent! Ma betg mias figlias giaudan questas bunas chaussas, mabain nos giat profita dal mument, sche nagin na guarda!!! In ensolver svelt è ideal, ma gist uschè spert na stuess el tuttina betg esser davent! Na'l laschai perquai betg or d'egl! Ins na sa mai, sch'i passa in lader ...

Cordialmain

A handwritten signature in black ink, which appears to read 'K. Kohler-Pattis'. The script is cursive and somewhat stylized.

*Karin Kohler-Pattis*